



## Zaista Uzvišeni Allah ne spava, i ne dolikuje Mu da spava

Ebu Musa el-Eš'ari, radijallahu anhu, prenosi da je Allahov Poslanik, sallallahu alejhi ve sellem, ustao među njima i rekao pet stvari: "Zaista Uzvišeni Allah ne spava, i ne dolikuje Mu da spava. Smanjuje i povećava opskrbu. Njemu se uzdižu djela noći prije djela dana, i djela dana prije djela noći. Njegov zastor je svjetlost — a u drugoj predaji: vatra — kada bi ga otkrio, sjaj Njegovog Lica spalio bi sve do čega dopire Njegov pogled od Njegovih stvorenja."

[صحيح] [رواه مسلم]

Allahov Poslanik, sallallahu alejhi ve sellem, se jednom prilikom obratio ashabima, kazavši im pet stvari: 1. Uzvišeni Allah ne spava. 2. Nemoguće je da On spava, s obzirom na potpunost Njegovog života i održivosti. 3. Uzvišeni snižava i podiže mjeru (mizan) u kontekstu djela robova koja se uzdižu Njemu, a i u kontekstu njihove opskrbe koju im Allah daje na Zemlji. Opskrba, koja je udio svakog stvorenja, On ju ponekad sužava, a ponekad proširuje. 4. Njemu se uzdižu djela robova učinjena noću prije djela dana koji slijedi, a djela učinjena danju prije djela noći koja dolazi poslije. Meleki čuvari uzdižu noćna djela nakon što noć prođe, na samom početku dana; a dnevna djela uzdižu nakon što dan prođe, na samom početku noći. 5. Allahov zastor, koji sprječava da bude viđen, jeste svjetlost - a u drugoj predaji: vatra. Kada bi ga otkrio, sjaj Njegovog Lica spalio bi sve do čega dopire Njegov pogled od Njegovih stvorenja. Dakle, ako bi uklonio i otkrio prepreku koja sprječava Njegovo viđenje - a to je zastor - i očitovao se Svojim stvorenjima, sjaj Njegovog Lica spalio bi sve do čega dopire Njegov pogled, a to su sva stvorenja, jer Njegov pogled obuhvata sve što postoji.

<https://sunnah.global/hadeeth/bs/show/65114>

